

– Բայց դուք այն հարցրեք, – նկատեց մեր հիւրընկալը, – թե այդքան բնակիչներից որքա՞նն է իր հայրենի հողի վրայ բնակւում: Կարելի է ասել, որ կես մասը պանդխտութեան մէջ է ապրում:

– Պանդխտութեան մէջ ի՞նչ են շինում:

– Համալրութիւն են անում:

– Անբա՛խտ Տարօն, – բացականչեց վշտացած երիտասարդը տխուր ձայնով, – քո գիւղացին առաջ գնում էր օտար երկրում կայսր էր դառնում, իսկ հիմա գնում է համալ է դառնում...

Մեր հիւրընկալի բարի աչքերը զարմանքից լայնացան: Չարմացայ եւ ես:

– Ինչո՞ւ էք զարմանում, – դարձաւ նա դեպի մեզ, – յունաց երեւելի Վասիլ կայսրը, որ Կ.Պոլսում գահ նստաւ 867 թին, Տարօնի Թիլ աւանիցն էր: Նրա թոռ Կոստանդին Պերփեռուժեն կայսրը նոյնպէս նշանաւոր եղաւ, որպէս իր պապը, եւ գրեց նրա պատմութիւնը, որ լի է բազմաթիւ մեծագործութիւններով: Հայաստանը շատ կայսրներ ու մեծ զօրապետներ է տոել թե՛ Հռոմին եւ թե՛ Բիւզանդիային, ուր նրա որդիները այժմ գնում են, համալութիւն են անում:

Երագի լոյսը լուսաւորում էր նրա գունաթափ դէմքը, որի վրայ յայտնուեցաւ մի թեթեւ կարմրութիւն: Նա հանեց ծոցի գրպանից մի փոքրիկ գրքոյկ, ինչպէս բողոքականի քարոզիչը ամէն դեպքում դուրս է բերում ծոցի ակետարանը: Նրա ձեռքերը զգալի կերպով դողում էին: Երեւում էր, որ մեր հիւրընկալի հաղորդած թանշանները ակելի գրգռեցին նրա տխուր զգացմունքները: Մենք ամենքս նայում էինք նրա երեսին: Նա թերթում էր փոքրիկ գրքոյկը եւ մատիտով մի պատահ թղթի վրայ նշանակում էր իր դիտողութիւնները: Երբ վերջացրեց, գլուխը վեր բարձրացրեց, ասելով.

– Ին՛չ մեծ տարբերութիւն... այդ սարսափելի՛ է:

Ասլանը այնպիսի հիացմունքով նայում էր նրա վրայ, ինչպէս մի մեծ եղբայր, որ ուրախանում է կրտսերի առաջադիմութեամբ:

Երիտասարդը դարձաւ դեպի մեր հիւրընկալը:

– Մեր հին պատմաբաններից մէկը, Չենոբ Գլակը, թողել է մեզ մի քանի հետաքրքիր թանշաններ, որոնցից կարելի է եզրակացնել, թե որքան մեծ բազմամարդութիւն է ունեցել Տարօնը առաջ եւ որքան փոքրացել է նրա բնակիչների թիւը այժմ: Պետք է գիտենաք, որ Չենոբ Գլակը Լուսաւորչի ժամանակակից էր եւ նրա նշանաւոր եպիսկոպոսներից մէկը, որին Լուսաւորիչը Տարօնի Ս. Կարապետ վանքի առաջին վանահայր կարգեց: Եւ որովհե-